



Հետազոտական աշխատանք

Տիտղոսաթերթ

<p>Կազմակերպության տվյալներ</p> <ul style="list-style-type: none"> • Անվանում, հասցե • Տնօրեն • Էլ. հասցե • Հեռախոս 	<p>«Մասնակցային նպրոց» կրթական հիմնադրամ Վահրամ Սողոմոնյան masnakcayindproc@gmail.com</p>
<p>Հետազոտության թեմա/վերնագիր</p> <ul style="list-style-type: none"> • Հետազոտության թեմա 	<p>«ՆԱԽԱԳԾԱՅԻՆ ԱՇԽԱՏԱՆՔԸ «ՀԱՅՈՑ ՊԱՏՄՈՒԹՅՈՒՆ» ԱՌԱՐԿԱՅԻ ԴԱՍԱՎԱՆԴՄԱՆ ԳՈՐԾԸՆԹԱՑՈՒՄ՝ ՈՐՊԵՍ ՍՈՎՈՐՈՂՆԵՐԻ ԻՆՔՆՈՒՐՈՒՅՆՈՒԹՅԱՆ ՉԱՐԳԱՑՄԱՆ ՄԻՋՈՑ»</p>
<p>Ուսուցչի տվյալներ</p> <ul style="list-style-type: none"> • Ա.Ա.Հ. • Մասնագիտություն • Հեռախոս • Էլ. հասցե • Դասավանդվող առարկաներ • Դասարաններ 	<p>Ամիրջանյան Միլիդատ Մելիսյի Պատմության ուսուցիչ 6-12-րդ դասարաններ</p>
<p>Ուսումնական հաստատության տվյալներ</p> <ul style="list-style-type: none"> • Անվանումը, հասցե • Հեռախոս • Էլ. հասցե (տնօրենության) • Web կայքի հասցե 	<p>«Հատիսի Վ. Վարդանյանի անվ. միջ. Դպրոց» ՊՈԱԿ hatis@rambler.ru 094117140</p>

Բովանդակություն

Բովանդակություն.....	2
Ներածություն.....	3
Գլուխ.1 «ՆԱԽԱԳԾԱՅԻՆ ԱՇԽԱՏԱՆՔԸ «ՀԱՅՈՑ ՊԱՏՄՈՒԹՅՈՒՆ» ԱՌԱՐԿԱՅԻ ԴԱՍԱՎԱՆԴՄԱՆ ԳՈՐԾՆԹԱՑՈՒՄ՝ ՈՐՊԵՍ ՍՈՎՈՐՈՂՆԵՐԻ ԻՆՔՆՈՒՐՈՒՅՆՈՒԹՅԱՆ ՉԱՐԳԱՑՄԱՆ ՄԻՋՈՑ»	
1.1 Նախագծային ուսուցման դերը սովորողների կարողունակությունների զարգացման վրա «Հայոց պատմություն» ուսումնական առարկայի դասավանդման ընթացքում.....	7
1.2 Նախագծային աշխատանքի օրինակ «Հայոց պատմություն» առարկայի դասավանդման շրջանակներում.....	14
Եզրակացություններ.....	24
4 Օգտագործված գրականության ցանկ.....	27

Ներածություն

<p>Նպատակը եւ հետազոտական հարցը</p>	<p>Նպատակ- Ուսումնասիրել նախագծային մեթոդի դերը արդի կրթական համակարգում՝ որպես սովորողներին դեպի ուսումնական գործընթաց ուղղորդելու արդյունավետ միջոց:</p> <p>Չարդ- Ինչպիսի՞ ազդեցություն ունի ուսուցման նախագծային մեթոդը սովորողների ինքնուրույնության, նախաձեռնողկանության զարգացման, ինչպես նաև սովորել սովորելու, ժողովրդավարական, քաղաքացիական կոմպետենցիաների ձևավորման վրա «հայոց պատմություն» ուսումնական առարկայի դասավանդման ընթացքում:</p> <p>«Ով չի ճանաչում իր հայրենիքը, չի կարող ճշմարիտ սիրել նրան»</p> <p style="text-align: right;">Բաֆֆի</p> <p>Թերևս ճշմարիտ էր մեծն վիպասանը, որ հայրենասիրությունը սկսվում է հայրենաճանաչությունից: Այսօր՝ առավել քան երբևէ, մատաղ սերունդը պետք է</p>
--	---

խորքային գիտելիքներ ունենա իր պատմության, անցյալի հաղթանակների ու պարտությունների մասին: Սա օախնդիր է՝ հաշվի առնելով մեր երկրի առջև ծառայած մարտահրավերները: Այնուամենայնիվ, գիտելիքաստեղծ գործունեությունը դպրոցում հենվում է ուսուցչի մասնագիտական որակների, նրա կոմպետենտության, կրթական համակարգի բարեփոխումների վրա: Այսօր մեր երկրում ևս մեծ թափով արդիականացվում է կրթության ոլորտը: Որպես նորարարություն՝ դիտարկվում է նաև ուսուցման նախագծային մեթոդը: Նախագծային մեթոդը կրթական մեթոդների ամբողջություն է, որոնք հնարավորություն են տալիս սովորողներին ձեռք բերել գիտելիքներ և կարողություններ՝ կոնկրետ հանձնարարություններ պլանավորելու և ինքնուրույն իրականացնելու համար: Արդյունքը՝ տեսանելի, ներկայանալի, հրապարակված աշխատանքն է, որն ամբողջապես սովորողի ինքնուրույն աշխատանքի արգասիքն է: ՀՀ կրթական համակարգում այս մեթոդը նորություն է, մինչդեռ նման ուսուցման տեսակն ունի բավականին կենսափորձ ու կիրառելիություն մի շարք երկրներում: Քանի որ նախագծային աշխատանքը սովորողին տալիս է համալիր գիտելիք, նոր կարողունակություններ, գործնական հմտություններ, կարծում ենք՝ ճիշտ որոշում է

Նման ուսուցման համատարած ներդրումը ՀՀ կրթական համակարգում:

Նախագծային ուսուցումը սովորողի համար այնքանով է հետաքրքիր, որ աշխատանքների իրականացնողը, նախագծողը, տեղեկատվության համակարգողը, վերլուծողը հենց ինքն է՝ սովորողը: Իսկ այսօրվա սովորողը, ով ունի այլ մտածողություն ու ժամանակի զարգացումներով պայմանավորված կրթական պահանջմունքներ, ինչպես գիտենք, շատ հաճախ է ուսուցչից պահանջում հենց նմանօրինակ դասեր անցկացնել, որտեղ ինքը կարող է գործնականում կիրառել տեսական գիտելիքների իր պաշարը և գործել ինքնուրույն: Նախագծային ուսուցումը սովորողին մղում է մտածելու, ստեղծելու, համեմատելու, զուգահեռներ անցկացնելու: Սովորողը աշխատանքի ընթացքում դառնում է հետազոտող, բացահայտող, նորարար, ուստի այս աշխատանքները գրավիչ ու հետաքրքիր կարող են լինեն սովորողի համար:

Նախագծային գործունեությունը կազմակերպելիս հաշվի են առնվում սովորողների տարիքային առանձնահատկությունները, հետաքրությունները , պատրաստվածությունը, ՏՀՏ-ի կիրառման

	<p>հմտությունները, օտար լեզուների իմացության աստիճանը: Աշխատանքը թույլ է տալիս ակտիվացնել բոլորին, ներգրավել նույն նպատակի իրականացման մեջ: Կարծում ենք՝ այս մեթոդն իր դրական ազդեցությունը կունենա ՀՀ-ում կրթության որակի բարձրացման ու սովորողների ինքնուրույնության բարձրացման վրա:</p>
<p>Թեմայի կարեւորությունը եւ նշանակությունը Ձեր/թիրախային խմբի համար</p>	<p>Թեմայի կարևորությունը պայմանավորված է «հայոց պատմություն» ուսումնական առարկայի դասավանդման գործընթացում կրթական առաջարկի ու պահանջարկի համընկմամբ՝ ի դեմս նախագծային մեթոդի գործադրման:</p>
<p>Ո՞ր առանցքայի նկոմպետենցիային/կարողունակությանն է ուղղված նպատակի ուսումնասիրությունը</p>	<ul style="list-style-type: none"> • Սովորել սովորելու կոմպետենցիա • Ժողովրդավարական, • քաղաքացիական կոմպետենցիա • Ինքնաճանաչողական և սոցիալական կոմպետենցիա
<p>Վերապատրաստման ո՞ր թեմայի շրջանակում է անդրադարձ կատարվել այս հիմնախնդրին/ուլորտին</p>	<p>«Մանկավարժություն և մեթոդիկա»</p>

Գլուխ.1 «ՆԱԽԱԳՃԱՅԻՆ ԱՇԽԱՏԱՆՔԸ «ՀԱՅՈՑ ՊԱՏՄՈՒԹՅՈՒՆ» ԱՌԱՐԿԱՅԻ ԴԱՍԱՎԱՆԴՄԱՆ ԳՈՐԾԸՆԹԱՑՈՒՄ՝ ՈՐՊԵՍ ՍՈՎՈՐՈՂՆԵՐԻ ԻՆՔՆՈՒՐՈՒՅՆՈՒԹՅԱՆ ՉԱՐԳԱՑՄԱՆ ՄԻՋՈՑ»

1.1 Նախագծային ուսուցման դերը սովորողների կարողունակությունների զարգացման վրա «Հայոց պատմություն» ուսումնական առարկայի դասավանդման ընթացքում

<p>Գրականության ակնարկ</p> <ul style="list-style-type: none"> Մեջբերումներ արդեն արված հետազոտություններից, 	<p>Նախագծային ուսուցումը կարելի է դիտարկել որպես դիդակտիկ համակարգ, իսկ նախագծային մեթոդը՝ որպես այդ համակարգի բաղադրիչ, որպես մանկավարժական</p>

- Մեջբերումներ գրականությունից, տեղեկության վստահելի աղբյուրներից:

տեխնոլոգիա, որը ներառում է ոչ միայն գիտելիքների ինտեգրումը, այլև գիտելիքների կիրառումը, նորերի ձեռքբերումը: Նախագծային մեթոդը հետազոտական, ստեղծագործական մեթոդների համադրություն է, որի կենտրոնում սովորողն է: Այստեղ ուսուցչի մասնակցությունը սահմանափակվում է մշակողի, համակարգողի, փորձագետի, խորհրդատուի դերով:

Նախագծային մեթոդի խնդիրներից է սովորողի սովորել սովորելու կարողունակության ձևավորումը՝ ամեն կերպ խթանելով վերջինիս ինքնուրույն գործելու, պրպտելու, գտնելու, գիտելիքը գործնականում կիրառելու, սեփական կարծիքն ու դիրքորոշումն առանց այլ ազդակների ներգործության հայտնելու հմտությունները:

Որպես Նախագծային մեթոդի վերջնարդյունք՝ կարելի է համարել սովորողի ճանաչողական հմտությունների, սեփական գիտելիքներն ինքնուրույն ձևակերպելու, ՏՅՏ-ում կողմնորոշվելու, քննադատական և ստեղծագործական մտածողության ձևավորումն ու զարգացումը: Նախագծային մեթոդի հիմքում ընկած են ամերիկացի փիլիսոփա և մանկավարժ Ջ.Դյուլիի կողմից առաջ քաշած մանկավարժական հասկացությունները, ով դրանք գործնականում կիրառել է Չիկագոյի փորձարարական լաբորատոր դպրոցում 1896 – 1904 թվականներին: Ջ. Դյուլին կարծում էր, որ դպրոցի բոլոր գործողությունները պետք է ուղղված լինեն սովորողի մտածողության

ձևավորմանը, որը հիմնված է անձնական փորձառության վրա: Ըստ Դյուլիի՝ մեթոդը տալիս էր այնպիսի պայմաններ, որոնք հարմարեցված էին անհատական կարիքներին և կարողություններին, ինչպես նաև կարող էր ապահովել դիտարկման, ներկայացման, հետազոտության, գաղափարների մշտական զարգացման համար համապատասխան պայմաններ¹:

Նախագծային մեթոդի տարբերությունն այլ մեթոդներից այն է, որ հնարավորություն է տալիս սովորողների մոտ մեկ աշխատանքային գործունեության ընթացքում միանգամից զարգացնել համալիր կարողունակություններ: Այս աշխատանքը սովորողին տալիս է մի շարք առավելություններ, դրանք են՝

- սովորողի հետաքրքրությունների շրջանակի բացահայտում,
- սովորողի գիտելիքների և կարողությունների պրակտիկ կիրառություն,
- ինքնուրույնություն,
- ստեղծարար մտածելու և գործելու կարողություն
- արդյունքի ներկայացում,
- նախագծելու, համակարգելու կարողություն,
- ՏՀՏ կիրառելու կարողություն,

¹ Ю. Г. Шихваргер, «Метод проектов в профессиональном обучении педагогов», Новосибирск 2013, стр.8

- կոլեկտիվ աշխատելու ունակություն:

Նախագծային ուսուցումը ուսումնաճանաչողական և համատեղ աշխատանքի կազմակերպման ձև է, որում ներգրավված են դասավանդողներն ու ուսումնառուները: Այն կարող է հարմարեցվել տարբեր միջավայրերի և նպատակների: Այն առավել արդյունավետ է, երբ դուրս է գալիս «դասարանային» և դպրոցական մակարդակից և գնում է դեպի համայնք²: Ուսուցման այս մեթոդի շրջանակներում նախագծային աշխատանքի նախագծումը բավականին աշխատատար ընթացք է, ունի հստակ փուլեր, դրանք են՝

- Թեմայի կամ գործունեության ընտրություն
- Աշխատանքի պլանավորում
- Տեղեկատվական հոսքերի կառավարում
- Գործընթացի կազմակերպում
- Գործընթացի իրականացում
- Արդյունքների ցուցադրություն

Ուսուցչի դերը նախագծային ուսուցման գործընթացում անչափ կարևոր է. սովորողներն իրենց ուսուցչին դերային մոդել են համարում: Փոփոխվող աշխարհի և ինֆորմացիոն մեծ հոսքի պայմաններում դա մեծ մարտահրավեր է ժամանակակից ուսուցչի համար, որից լուրջ պատրաստվածություն և աշխատանքի

² <http://boon.am/learning/> Նախագծային ուսուցում. Ալեքսանդր Շազաֆյան (Կրթություն ամենուր և բոլորին)

կարևորության գիտակցություն է պահաջվում: Նախագծային ուսուցման միջոցով ստացած ամեն գիտելիք կամ հմտություն լիովին համապատասխանում է ՅՈՒՆԵՍԿՕ-ի կրթության չորս գերակայությունների տրամաբանությանը՝ սովորել իմանալու համար, սովորել կիրառելու համար, սովորել լինելու համար, սովորել միասին ապրելու համար³:

Նախագծային աշխատանքը հետաքրքիր է նաև նրանով, որ թիմային աշխատանքի ժամանակ սովորողներն էլ ավելի են մտերմանում, փորձում են օգտակար լինել միմյանց, սովորում ու սովորեցնում են իրար:

Հայոց պատմության դասավանդման ժամանակ նույնպես կարելի է իրականացնել հետաքրքիր նախագծային աշխատանքներ: Այս համատեքստում նշենք, որ գրքային ծավալուն տեքստ, որպես կանոն, սովորողի համար կարող է ձանձրալի ու անհետաքրքիր թվալ, վերջինս առարկայականություն է ուզում՝ տեսնել, շոշափել, զգալ պատմական երևույթները, ուսումնասիրել հնավայրերը, ծանոթանալ գտածոների, համեմատել դրանք, եզրահանգումներ ու դատողություններ կատարել: Նախագծային ուսուցումը կարող է նպաստել սովորողների պատմական մտածողության արդյունավետ ու համակողմանի ձևավորմանը: Աշխատանքի իրականացման ընթացքում հաշվի են առնվում

³ <http://boon.am/learning/> Նախագծային ուսուցում. Ալեքսանդր Շազաֆյան (Կրթություն ամենուր և բոլորին)

սովորողների տարիքային
առանձնահատկությունները,
կարողությունների, հմտությունների առարկայի
իմացության մակարդակը,
նախասիրությունները:

«Հայոց պատմություն» ուսումնական
առարկայի դասավանդման շրջանակներում
իրականացվող նախագծային աշխատանքը
սովորողների մոտ ձևավորում է
ինքնաճանաչողական և սոցիալական
կարողունակություն, որի շրջանակներում
սովորողներն ընդունակ են
ինքնանդրադարձման և ինքնակազմակերպման
միջոցով ձգտելու ինքնաճանաչման: Նրանք
ձևավորում են վստահություն սեփական ուժերի
և կյանքի հանդեպ և հաջողությամբ
կառավարում են սեփական ժամանակը,
գիտելիքներն ու հմտությունները, կարողանում
են դրսևորել առողջ և անվտանգ կենսակերպ,
ինչպես նաև մասնագիտական կողմնորոշում:
Սովորողները դրսևորում են հարգանք,
ազնվություն և պատասխանատվություն
ինչպես սեփական անձի, այնպես էլ այլոց
հանդեպ՝ անկախ տարիքից, սեռից,
ազգությունից, բարեկեցության աստիճանից,
արտաքին տեսքից, ընդունակություններից,
մասնագիտությունից, համոզմունքներից և այլ
առանձնահատկություններից: Նրանք
սոցիալական հարաբերություններում գործում
են կառուցողական և համերաշխ, դրսևորում են
ընկերակցելու ունակություն և կոնֆլիկտների

խաղաղ և համագործակցային կարգավորման հմտություններ: Տարբեր մշակույթների, կրոնների, աշխարհայացքների և կյանքի կազմակերպման անհատական պատկերացումների հետ առնչվելու արդյունքում սովորողներն ընդունակ են ճանաչելու դրանց տարբերությունները⁴:

Այսպիսով, սովորողները կատարում են հետազոտություններ, վերլուծում տեղեկությունները, աշխատում նախագծի վրա, այցելում են թանգարաններ, հնավայրեր, դառնում են հետազոտողներ, պատմաբաններ, հնէաբաններ՝ կախված ուսումնասիրության թեմայից, ապա նոր միայն պատրաստվում նախագծի պաշտպանությանը:

Պաշտպանությունը աշխատանքի վերջնական արդյունքն է, որը կարող է լինել ցանկացած բնույթի՝ կախված սովորողի ստեղծագործ մոտեցումից: Ուսուցիչը լսում է, սովորողներին հարցեր ուղղում, անհրաժեշտության դեպքում ուղղորդում է, գնահատում նրանց կատարած աշխատանքի որակը և պրոբլեմի լուծման ինքնատիպությունը:

Նախագծային մեթոդն առաջարկում է ավելին, քան ավանդական կրթության և դպրոցի շրջանակը: Այն կենտրոնանում է առօրյա

⁴ ՀՀ Կառավարության՝ 08.04.2010 թվականի թիվ 439-Ն-որ ոչում«Հանրակրթության պետական չափորոշի ձևավորման և հաստատման կարգը և հանրակրթության պետական չափորոշիչը հաստատելու, ՀՀ կառավարության 2004 թվականի մայիսի 27-ի N 771-Ն և հունիսի 17-ի N 900-Ն-որ ոչումներն ուժը կորցրած ճանաչելու մասին»:

կյանքի խնդիրների վրա և կարևորում մասնակիցների փորձառությունը:

Ինչպես արդեն նշել էինք, այստեղ առանցքային դերակատարում ունի նաև ուսուցիչը, ով ապահովում է մասնագիտական խորհրդատվություն սովորողին, օգնում է որոնել տեղեկատվական գրականություն, այլ նյութեր, մեդիանյութեր, օգնում է կոնկրետ հարցեր լուծելիս առաջացած դժվարությունները հաղթահարել, ինչպես նաև փոխանցում է համապատասխան հմտություններ:

«Մանկավարժական աշխատողը պարտավոր է ապահովել հանրակրթության պետական չափորոշիչով նախատեսված ծրագրերի բովանդակության պարտադիր նվազագույնի յուրացումը սովորողների կողմից՝ կիրառելով դասավանդման առավել արդյունավետ մեթոդներ և ժամանակակից տեխնոլոգիաներ»⁵:

Նախագծային աշխատանքը հետաքրքիր է նաև նրանով, որ թիմային աշխատանքի ժամանակ սովորողներն էլ ավելի են մտերմանում, փորձում են օգտակար լինել միմյանց, սովորում ու սովորեցնում են իրար: Վերջիններիս մոտ ամրակայվում է կոլեկտիվ աշխատանքի գաղափարը, մեկտեղ աշխատելու, սովորելու, ուսումնասիրելու ու հետազոտելու ընթացքում սովորողների մոտ բարձրանում է պատասխանատվության զգացումը, սեփական ներդրումն ունենալու ձգտումը: Նրանք

⁵ <https://www.arlis.am/documentview.aspx?docid=71908> «Հանրակրթության մասին» ՀՀ օրենք, հոդված 27, կետ 4:

կատարում են հետազոտություններ, վերլուծում տեղեկությունները, աշխատում նախագծի վրա, փորձեր են անում, պատրաստվում նախագծի պաշտպանությանը:

1.2 Նախագծային աշխատանքի օրինակ «Չայոց պատմություն» առարկայի դասավանդման շրջանակներում

Անձի համակողմանի զարգացումն իրենից ենթադրում է, որ ցանկացած դժվարություն, ներառյալ նրանք, որոնք գերազանցում են նախկինում հաղթահարածը, մարդ կարող է կառավարել, հենվել իր իմացական ու գործառական, ուստի և կրթության արդիականացման հիմքը հենց ինքնուրույն, նախաձեռնող ու նորարար սովորող ունենալու վերջնարդյունքն է: Այս բոլոր գործընթացներում իր դերն ունի հարակրթական ուսումնական հաստատությունը, ուսուցիչը, ճիշտ պլանավորած դասը, որտեղ սովորողը կարող է բացահայտել աշխարհն ու ինքն իրեն: Ինչպես նշեցինք, «Չայոց պատմություն» առարկան իր կարևոր ազդեցությունն ու նշանակությունն ունի մատաղ սերդի հայեցի կրթության ու դաստիարակության գործընթացում: «Չայոց պատմություն» առարկայի նպատակը հայկական քաղաքակրթության վերաբերյալ պատմական համակարգված գիտելիքի ձևավորումն է: Առարկան նպաստում է

պետականակիր գիտակցություն, ազգային ինքնագիտակցություն և դիմագիծ ունեցող, սեփական ժողովրդի ու պետության դերակատարումը պատմության խորապատկերում գիտակցող քաղաքացու զարգացմանը, ազգային և համամարդկային արժեհամակարգը կրող պատասխանատու քաղաքացու ձևավորմանը: Յուրաքանչյուր ժողովրդի պատմությունն՝ նրա անցած ուղին է, նրա կենսագրությունն ու հիշողությունը, դարերի հոլովույթում նրա կերտած հոգևոր և նյութական արժեքների ամբողջությունը: Այն հիմք է յուրաքանչյուր քաղաքացու, հասարակության և պետության ապագա գործունեության: Յուրաքանչյուր ժողովրդի պատմությունն ունի իր յուրահատուկ դերակատարումը համաշխարհային քաղաքակրթության պատմության հոլովույթում: Սրանով է կանխորոշվում այդ անձի, քաղաքացու և պետության դերակատարումը համաշխարհային գործընթացներում: Հայոց պատմության իմացության միջոցով է ձևավորվում ազգային ինքնագիտակցությունն ու մտածողություն, պատասխանատու և սեփական տեսակետն ու դիրքորոշումը ունեցող, կշռադատված որոշումներ կայացնող անձ ու քաղաքացի⁶:

Առարկայի դասավանդումը ավանդական եղանակով շեշտադրում է ուսումնական նյութի

⁶ <https://escs.am/files/files/2020-07-17/a266911a693f809df0b4aa3175b0bcdb.pdf> Հանրակրթական «Հայոց պատմություն» առարկայի ուսումնառության հայեցակարգ (նախագիծ):

մեխանիկական վերարտադրում: Սովորողները հազվադեպ են հնարավորություն ունենում կարծիք, դիրքորոշում հայտնելու, պատմական այս կամ այն իրողությունը մեկնաբանելու և համեմատության մեջ դնելու առումով: Ուստի հենց այս առարկայի դասավանդման շրջանակներում նպատակահարմար է իրականացնել նախագծային աշխատանքներ: Հայոց պատմությունն առարկայի ուսումնառության հիմքում դրված են հետևյալ գաղափարները

1. Հասկացությունների վրա հիմնված ուսումնառություն (հասկացությունը առարկայի հիմքում ընկած մեծ գաղափարներն են, որոնք ժամանակ, տարածություն և մշակության սահմանափակումներ չունեն):

2. Հմտություններ.

✓Սովորողի մոտ ուսումնական հմտությունների զարգացում. քննադատական վերլուծական, հետազոտական, ստեղծագործական մտածողություն

✓Հաղորդակցական-համագործակցային հմտությունների զարգացում.

✓Ինքնակազմակերպման հմտություն:

3. Ինքնուրույն հետազոտության վրա հիմնված ուսումնառություն:

4. Տարբերակված ուսումնառություն:

5. Իրական կյանքին առնչվող և խնդրահարույց հարցերի հետազոտման վրա հիմնված ուսումնառություն⁷:

⁷ Նույն տեղում:

Դիտարկենք նախագծային մեթոդի կիրառությամբ աշխատանքի օրինակ

Նախագծային աշխատանք

Դասարան՝ 8-րդ

Թեմա՝ «Յայոց ցեղասպանությունը»

Աշխատանքի տևողությունը՝ 2 ամիս

Աշխատանքի նպատակը՝

- Ձեռք բերել գիտելիքներ Յայոց ցեղասպանության (շարժառիթներ, պատճառներ, ծրագրեր փուլեր, հետևանքներ, պատմական դասեր, ճանաչման գործընթաց, ինքնապաշտպանական մարտեր) վերաբերյալ, ըմբռնել, որ Յայոց ցեղասպանության ճանաչումը և դատապարտումը Յայաստանի Յանրապետության, ողջ հայության համար ազգային անվտանգության հիմնախնդիր է:
- Յաղթահարել զոհ լինելու բարդությունները, ձևավորել պատմական արդարության վերականգնման, կորսված հայրենիքի պահանջատեր լինելու, հայ ժողովրդի՝ իր պատմական հայրենիքում անվտանգ ապրելու և զարգանալու իրավունքի համար պայքարի գիտակցություն, ձևավորել մերժողական վերաբերմունք մարդու կամ որևէ ժողովրդի նկատմամբ

կիրառվող բնությունների հանդեպ՝ կանխելու այսօր էլ շարունակվող բնությունները:

- Ըմբռնել և արժևորել տվյալ ժամանակաշրջանի ու ներկայիս Հայաստանի միջև եղած բազմատեսակ կապերը, պատմական փորձի յուրացման, կորուստներից դասեր քաղելու և հաջորդ սերունդներին դրանց փոխանցման անհրաժեշտությունը:
- Չարգացնել վերլուծական, քննադատական և ստեղծագործական մտածողություն, հետազոտական, համագործակցային, ինքնարտահայտման, ինքնավար սովորելու և աշխատելու հմտություններ և կարողություններ:

Աշխատանքի վերջնարդյունքը՝

- Նկարագրի տարածաշրջանի և համաշխարհային քաղաքական իրադրությունը. Հայաստանի իրավիճակը XIX դարի վերջին XX դարի սկզբին:
- Ներկայացնի 1915-1916 թթ ինքնապաշտպանական մարտերը, համեմատի և վերլուծի դրանցից յուրաքանչյուրի առանձնահատկությունները, արդյունքներն ու հետևանքները, արժևորի միասնական և փոխհամաձայնեցված

գործելու արդյունքները, ցույց տա
ազգային, հասարակական, հոգևոր և
անձնական շահերի միասնականության
կարևորությունը դրված նպատակների
իրականացման գործում

- Արտահայտի սեփական տեսակետներ և
դիրքորոշումներ Հայոց ցեղասպանության
միջազգային ճանաչման գործընթացի,
պահանջատիրության, ցեղասպանության
հետևանքների հաղթահարման ուղիների,
և հիմնախնդրի զարգացման
հեռանկարների և արդյունքների
վերաբերյալ, փորձի առաջարկել
հիմնախնդրի լուծման տարբերակներ:
- Գնահատի Հայոց եղեռնի վերաբերյալ մեծ
տերությունների, առաջադեմ գործիչների
և կազմակերպությունների
արձագանքները, հայերին փրկելու
անհատ միսիոներների և Հայոց եկեղեցու
գործողությունները, կարծիք հայտնի
Հայոց ցեղասպանության
պատասխանատուների
դատավարության, Նեմեսիս
գործողության, Հայկական հարցի
«լուծման» ռուսական ուղիների
վերաբերյալ:
- Ցույց տա Հայոց ցեղասպանության
անպատժելիության և XX դարի
ցեղասպանությունների կապը,
դատապարտի ցեղասպանությունը որպես
մարդկության դեմ ուղղված մեծագույն

հանցագործություն. արժևորի և հիմնավորի պատմական փորձի յուրացման, դասեր քաղելու և հաջորդ սերունդներին փոխանցման անհրաժեշտությունը:

- Կապեր գտնի պատմական և արդի գործընթացներում, ցույց տա իր և սերունդների կապը պատմության մեջ, արժևորի և հիմնավորի պատմական փորձի և ձեռքբերումների յուրացման, դասեր քաղելու և հաջորդ սերունդներին փոխանցման անհրաժեշտությունը:
- Որպես ուսումնասովանողակ նյութ՝ պատկերացում ունենա 20-րդ դարի այլ ցեղասպանությունների մասին/Յուլիոսոստ, Ռուանդայի ցեղասպանություն, Կամբոջայի ցեղասպանություն:
- Օգտագործի քարտեզներ, ուսումնասովանողակ գրականություն, ուսումնադիտողական տարբեր պարագաներ, դրսևորի հետազոտելու, տարբեր գործիքակազմեր համադրելու կարողություն, ուրիշների հետ համատեղ կամ ինքնուրույն կատարի նախագծային կամ հետազոտական աշխատանք, առաջադրի խնդիրներ և ներկայացնի լուծումներ

Այսպիսով, նախագծային աշխատանքի իրականացմանն ընդառաջ սովորողներ կայցելեն Հայոց ցեղասպանության

հուշահամալիր՝ «Ծիծեռնակաբերդ»,
կճանոթանան թանգարանին ցուցանմուշներին:
Այս այցելությունը անչափ կարևոր ու
առարկայական մեկնարկ կդառնա
Նախագծային աշխատանքն իրականացնելու
համար: Հաջորդիվ տեղեկատվություն կքաղեն
թանգարանի պաշտոնական

կայքից՝ <http://www.genocide-museum.am/arm/> :

Այտեղ նրանք կճանոթանան մի շարք
պատմական փաստաթղթերի, վերապորոզների ու
ականատեսների հուշերին, միսիոներների
ավանդին՝ հայ որբերի փրկության գործում: Այս
ուսումնասիրություններ ավելի պատկերավոր ու
խորքային գիտելիքներ ու պատկերացումներ
կտան սովորողներին:

Նախագծային աշխատանքի նպատակն է
դուրս գալ դասագրքային նյութից, հավաքել
տեղեկություններ հայոց ցեղասպանության դրա
Նախադրյալների, պատճառների ու
հետևանքներիմասին:

Աշխատանքի հաջորդ փուլում սովորողները
կուսումնասիրեն մեդիա դաշտը՝ ճանոթանալու
համար միջազգային կազմակերպությունների ու
առանձին երկրների դիրքորոշումը «Հայ դատի»
և հայոց ցեղասպանության ճանաչման առումով:
Համացանցից տեղեկություններ կփնտրեն
«Նեմեսիս» ծրագրի մասին՝ ուսումնասիրելով
Սողոմոն Թեիրեյանի, Ավ. Իսահակյանի, Ճահան
Նաթալու գործունեությունը: Կանդրադառնան
Նան «Կարմիր կիրակի» չարաբաստիկ օրվա
իրադարձություններին: Կուսումնասիրեն հայ

մտավորականների տեղահանությունը ապրիլի 24-ին, որի ընթացքում Օսմանյան կայսրության մայրաքաղաքի հայ համայնքի առաջնորդները, իսկ հետագայում նաև կայսրության այլ համայնքների հայտնի ներկայացուցիչները ձերբակալվեցին ու սպանվեցին: Այստեղ միջառարկայական կապը «Չայ գրականություն» առարկայի հետ ակնհայտ է, քանի որ 1915 թվականի ապրիլի 24-ին ձերբակալված հայ մտավորականներից էին նաև բազմաթիվ գրողներ ու բանաստեղծներ՝ Գրիգոր Չոհրապ, Դանիել Վարուժան, Ռուբեն Չարդարյան, Արտաշես Չարությունյան, Սիամանթո:

Աշխատանքն իրականացնելիս հարկ է անպայման հաշվի առարկայական ինտեգրման հնարավորությունները, որը թույլ կտա համակողմանի ուսումնասիրել նյութը:

Սովորողներին մեծապես կօգնեն նաև «Ինֆորմատիկա» առարկայից ստաճաց գիտելիքները: Այս գիտելիքներն անկյունաքարային նշանակություն ունեն նախագծային աշխատանքի իրականացման համար, քանի որ տեղեկատվական հոսքերի հիմնական աղբյուրը սովորողների համար հենց համացանցային հարթակներն են:

Սովորողներն ուսումնասիրության ժամանակ հնարավորություն կունենան առնչվել նաև աշխարհագրությանն ու օտար լեզուներին: Ի սկզբանե ուսուցիչը դասարանը կբաժանենք

խմբերի, որոնցից յուրաքանչյուրը պետք է կատարի կոնկրետ հանձնարարություն: Այս կերպ խրախուսվում է սովորողների թիմային աշխատանքը, վերջիններս հասկանում են, որ իրենցից յուրաքանչյուրը պարտավոր է ամեն կերպ ունենալ մասնակցություն մեկ ընդհանուր նպատակի հասնելու համար:

Որպես աշխատանքի վերջնական ներկայացման տարբերակ՝ կարելի է ընտրել տեսահոլովակի, ցուցապաստառի և տեսասահիկի, զեկուլյցի պատրաստումը: Այս աշխատանքը բավականաչափ կարող է նպաստել սովորողների ինքնուրույնությանը, առանց ուսուցչի օգնության տեղեկատվության մշակմանն ու համակարգմանը: Աշխատանքի իրականացմանը զուգընթաց՝ սովորողներն անկաշկանդ կարող են դրսևորել իրենց ստեղծագործականությունը, հանդես գան նոր գաղափարներով, լինեն նախաձեռնողի դերում՝ ամբարելով գիտելիքների ու կարողունակությունների համակողմանի պաշար:

Այսպիսով, կարող ենք ասել, որ նախագծային մեթոդի ներդրումը կնպաստի սովորողների ստեղծագործական ներուժի ակտիվացմանը, կարողությունների բացահայտմանը, յուրաքանչյուր սովորողի կրթության անհատական ուղու ստեղծմանը: Արդյունքում՝ սովորողը գործնականում կհասկանա, թե որքան կարևոր է սովորել, ինքնազարգանալ ու հավաքել անսահմանափակ գիտելիքներ,

հմտություններ ու

կարողություններ: Վստահաբար կարող ենք ասել, որ ծավալուն ու երկար շարադրանքը, ուսուցչակենտրոն ուսուցումը ոչ միշտ է հանգեցնում այն վերջնարդյունքներին, որոնք սահմանված են կրթության պետական չափորոշչով: Կարևոր ենք համարում նախագծային ուսուցման

հնարավորությունները, որի շրջանակներում սովորողն իրեն ապահով ու հանգիստ ՝ զգում, կարողանում է մոբիլիզացնել իր ողջ մտավոր ու ստեղծագործական ներուժը, հետևաբար ստացած գիտելիքը կարող է հեշտությամբ ընկալվել ու մնայուն դառնալ: Ինչու չէ կարևոր է նաև բարոյահոգեբանական միջավայրը.

յուրաքանչյուր սովորող պետք է աշխատանքի ընթացքում իրեն կարևոր զգա,

հնարավորություն ունենա ինքնադրսևորվելու:

Անշուշտ, մեր թվարկած հմտություններն ու կարողությունները սովորողը ձեռք կբերի այն պարագայում, երբ ուսուցիչը ճիշտ ու կառուցողական է կազմակերպի աշխատանքի ընթացքը, հաշվի առնի սովորողների անհատական պահանջմունքները:

Վերահաստատենք մեր այն պնդումը, որ նախագծային աշխատանքը սովորողին մղում է մտածելու, ստեղծելու, համեմատելու, զուգահեռներ անցկացնելու: Սովորողը աշխատանքի ընթացքում դառնում է հետազոտող, բացահայտող, նորարար, ուստի

	այս աշխատանքները գրավիչ ու հետաքրքիր կարող են լինեն հենց սովորողների համար: Լիահույս ենք, որ սույն հետազոտությունը խթան կհանդիսանա մեզ՝ ուսուցիչներիս համար մոտիվացվել դեպի նորը և մոտիվացնել սովորողին:
Օգտագործված մեթոդները, գործիքները	
Իրականացման ժամանակահատվածը	1 ամիս
Թիրախ խումբը և շրջանակը /քանակ, սեռային բաշխում/	8-րդ դասարանի սովորողներ

Եզրակացություններ, առաջարկություններ

Վերհանված արդյունքներ, եզրակացություններ, պատասխան հետազոտական հարցին	Սույն հետազոտության թեմայի ուսումնասիրության ընթացքում կատարեցինք մի շարք դիտարկումներ, արոնց մասին կիտեսենք ստորև: Կարծում ենք, որ նախագծային
--	--

ուսուցումը էականորեն կարող է բարձրացնել սովորողի մոտիվացիան, հետաքրքրությունը սովորելու նկատմամբ, իսկ դա կրթական համակարգի շարժիչ ուժն է: Սովորողի ինֆնուրոյնության, նախաձեռնողականության բարձրացումը ենթադրում է վերջինիս աշխատունակության բարձրացում:

Նախագծային ուսուցումը, նախագծային մեթոդի համընդհանուր կիրառությունը թույլ կտա բարձրացնել սովորողի աշխատունակությունը, կօգնի սովորողներին տեսական ու գործնական բաղադրիչները արդյունավետ համակարգել, խթանել որոշակի խնդիրների նկատմամբ սովորողների հետաքրքրությունը, ինչը ենթադրում է տիրապետում համալիր գիտելիքների: Նախագծային մեթոդի ներդրումը կօգնի սովորողի համար կանխատեսելի դարձնել առաջարկվող խնդրի լուծումը նախագծային գործունեությամբ: Այս համատեքստում կարևոր ենք համարում նաև ուսուցչի կարողունակությունների զարգացումը, ծանոթացումը մեթոդի առանձնահատկություններին ու կառուցվածքին:

Նախագծային մեթոդի ներդրումը կնպաստի սովորողների և ուսուցիչների համար հասանելի դարձնել զանազան տեղեկատվական աղբյուրներից օգտվելու գործընթացները:

Այսպիսով, կարող ենք ասել, որ նախագծային մեթոդի ներդրումը կնպաստի սովորողների ստեղծագործական ներուժի ակտիվացմանը, կարողությունների բացահայտմանը, յուրաքանչյուր սովորողի կրթության անհատական ուղու ստեղծմանը:

Արդյունքում՝ սովորողը գործնականում կհասկանա, թե որքան կարևոր է սովորել, ինքնազարգանալ ու հավաքել

	անսահմանափակ գիտելիքներ, հմտություններ ու կարողություններ:
Այլ տեղեկատվություն	

Օգտագործված գրականության ցանկ

1. <https://www.arlis.am/documentview.aspx?docid=71908> «Հանրակրթության մասին» ՀՀ օրենք:
2. <https://escs.am/files/files/2020-07-17/a266911a693f809df0b4aa3175b0bcdb.pdf> Հանրակրթական «Հայոց պատմություն» առարկայի ուսումնառության հայեցակարգ (նախագիծ):
3. ՀՀ Կառավարության՝ 08.04.2010 թվականի թիվ 439-Ն որոշում «Հանրակրթության պետական չափորոշչի ձևավորման և հաստատման

կարգը և հանրակրթության պետական չափորոշիչը հաստատելու, ՀՀ կառավարության 2004 թվականի մայիսի 27-ի N 771-Ն և հունիսի 17-ի N 900-Ն որոշումներն ուժը կորցրած ճանաչելու մասին»:

4. <http://boon.am/learning/> Նախագծային ուսուցում. Ալեքսանդր Շազաֆյան (Կրթությունն ամենուր և բոլորին):
5. Ю. Г. Шихваргер, «Метод проектов в профессиональном обучении педагогов», Новосибирск 2013.

Չավելվածներ

Չաշվետվության կցված նյութեր

- Չետազոտության գործիքներ

<http://www.genocide-museum.am/arm/>

Հայոց ցեղասպանության թանգարան – ինստիտուտի պաշտոնական կայք

(հարցաթերթիկներ կամ
այլ)

- Նկարներ
- Արդյունքներ